

ԳԱԳԱԹԱԺՈՂՈՎ

ՎՐԱՍՏԱՆԻ ՎԱՐՉԱՊԵՏԸ ԵԼՈՒՅԹ ՈՒՆԵՅԱՎ ԴՈՒԲԱՅՈՒՄ ՄԱԿ-Ի ԿԼԻՄԱՅԻ ՓՈՓՈԽՈՒԹՅԱՆ 28-ՐԴ ՀԱՄԱԺՈՂՈՎԻՆ

Ինչպես արդեն հաղորդել ենք, դեկտեմբերի 1-ին Վրաստանի վարչապետ Իրակլի Դարիբաշվիլին Արաբական Միացյալ Էմիրությունների Դուբայ քաղաքում մասնակցեց ՄԱԿ-ի Կլիմայի փոփոխության 28-րդ համաժողովի համաշխարհային առաջնորդների գագաթաժողովին:

Ելույթ ունենալով Կլիմայի փոփոխության հարցերով ՄԱԿ-ի 28-րդ համաժողովին՝ Վրաստանի վարչապետ Իրակլի Դարիբաշվիլին հայտարարեց, որ Վրաստանը հավատարիմ է Կլիմայի փոփոխության նկատմամբ դիմակայության ուժեղացման գաղափարին եւ կշարունակի նպաստել գլոբալ ջանքերին՝ զարգացնելով վերականգնվող էներգետիկ ռեսուրսները:



(Շարունակությունը՝ 2-րդ էջում)

ԵՎՐԱԽՆՏԵԳՐՈՒՄ

ԵՎՐԱԽՈՐՀՐԴԻ ԱՆԴԱՄԱԿՑՈՒԹՅԱՆ ՃԱՆԱՊԱՐԶԻՆ ՎՐԱՍՏԱՆԻ ԱՌԱՋԸՆԹԱՑՆ ԱԿՆՋԱՅՏ Է



Հանդիպմանը քննարկվեցին Վրաստանի եվրաինտեգրման գործընթացին եւ բարեփոխումներին առնչվող հարցեր: Իրակլի Դարիբաշվիլին եվրոպական խորհրդի նախագահին տեղեկացրեց եվրաինտեգրման

Դեկտեմբերի 1-ին, Դուբայում ՄԱԿ-ի Կլիմայի փոփոխության 28-րդ համաժողովի համաշխարհային առաջնորդների գագաթաժողովի շրջանակներում, Վրաստանի վարչապետ Իրակլի Դարիբաշվիլին հանդիպում ունեցավ Եվրոպայի խորհրդի նախագահ Շառլ Միշելի հետ:

Ճանապարհին Վրաստանի կողմից արդեն իսկ իրականացվող բարեփոխումների մասին՝ նշելով, որ Վրաստանը շարունակում է եվրամիության համընթացական կատարման հաջողությամբ սկսված գործընթացը: - Կառավարությունը յուրաքանչյուր բարեփոխման համար ունի կոնկրետ տեսլական, գրված է գործողությունների համապատասխան ծրագիր, իրականացման ժամկետներ, եւ այս գործընթացում կառավարությունն աշխատում է եվրամիության ներկայացուցիչների հետ համակարգված, - հայտարարեց Վրաստանի վարչապետն ու հավելեց, որ Վրաստանի արձանագրած առաւելումները (Շարունակությունը՝ 2-րդ էջում)

ՎՐԱՍՏԱՆ-ՆԱՏՕ

ՀՅՈՒՄԻՍԱՏԼԱՆՏՅԱՆ ԱԼՅԱՆՍԻՆ ԻՆՏԵԳՐՈՒՄԸ՝ ԿԱՐԵՎՈՐ ԱՌԱՋՆԱՅԵՐԹՈՒԹՅՈՒՆ

Վրաստանի խորհրդարանի նախագահ Շալվա Պապուաշվիլին, խորհրդարանական պատվիրակության անդամներ, խորհրդարանի արտաքին հարաբերությունների կոմիտեի նախագահ Նիկոլոզ Սամխարաձեն, պաշտպանության եւ անվտանգության կոմիտեի նախագահ Իրակլի Բերախան եւ պատգամավոր Քեթևան Թուրազաշվիլին Բրյուսելում հանդիպում ունեցան ՆԱՏՕ-ի գլխավոր քարտուղարի տեղակալ Միրջա Ջոնանյի հետ:

Կողմերը քննարկեցին ՆԱՏՕ-Վրաստան հարաբերությունները, տարածաշրջանում ընթացիկ իրադարձությունները եւ ապագայի ծրագրերը: ՆԱՏՕ-ի գլխավոր քարտուղարի տեղակալը անդրդվելի աջակցություն հայտնեց Վրաստանի տարածքային ամբողջականությանը: Շալվա Պա-



պուաշվիլին իր հերթին ընդգծեց Հյուսիսատլանտյան ալյանսին Վրաստանի ինտեգրման առաջնահերթությունը եւ նշեց, որ Վրաստանը կշարունակի առաջընթաց գրանցել Հյուսիսատլանտյան ինտեգրման ճանապարհին:

ԴԵԿՏԵՄԲԵՐԻ 7-Ը ՄՊԻՏԱԿԻ ԵՐԿՐԱՇԱՐԺԻ ԶՈՐԵՐԻ ՀԻՇԱՏԱԿԻ ՕՐՆ Է 35 ՏԱՐԻ՝ ԱՎԵՐԻՉ ԵՐԿՐԱՇԱՐԺԻՉ ՀԵՏՈ

35 տարի առաջ, 1988 թվականի դեկտեմբերի 7-ին, Հայաստանում գրանցվեց աղետալի երկրաշարժ, որը լուրջ մարտահրավեր դարձավ երկրի համար:

Երկրաշարժն ընդգրկեց Հայաստանի տարածքի մոտ 40 տոկոսը: Տուժեց 21 քաղաք ու շրջան, 342 գյուղ: Անօթեւան մնաց 514 հազար մարդ: Տարբեր աստիճանի վնասվածքներ ստացավ մոտ 20 հազարը, զոհերի թիվը կազմեց 25 հազար: Չոհեր չատ եղան հատկապես Գյումրիում՝ մոտ 15-17 հազար եւ Սպիտակում՝ 4 հազար մարդ:

(Շարունակությունը՝ 7-րդ էջում)



ԹԲԻԼԻՍԻ. ՀՈԳԵՀԱՆԳԻՍՏ՝ Ի ՀԻՇԱՏԱԿ ԵՐԿՐԱՇԱՐԺԻ ԱՆՄԵՂ ՉՈՂԵՐԻ

Դեկտեմբերի 7-ին, Թբիլիսիի առաջնորդաձուլ Սուրբ Գեորգ եկեղեցում, ՏԵՐ ՀՈՒՍԻԿ ավագ քահանա Հարությունյանի կողմից կատարվեց հոգեհանգստյան պաշտոն՝ 1988 թվականին Հայաստանում տեղի ու-

նեցած աղետալի երկրաշարժի զոհերի հիշատակին: Այդ օրը Վրաստանում Վիրահայոց թեմի բոլոր եկեղեցիներում երկրաշարժի զոհերի հիշատակին կատարվեց հոգեհանգստյան կարգ:

ՀԱՆԳԻՊՈՒՄ

ՎՐԱՍՏԱՆԻ ՆԱԽԱԳԱՀԸ ՀՅՈՒՐԵՆԿԱԼԵՅ ԱՉԳԱՅԻՆ ՓՈՔՐԱՄԱՆՈՒԹՅՈՒՆՆԵՐԻ ՆԵՐԿԱՅԱՌՈՒԹՅՆԵՐԻՆ

Դեկտեմբերի 7-ին Վրաստանի նախագահի նստավայրում՝ «Օրբելիանի» պալատում, Սալոմե Ջուրաբիշվիլին հյուրընկալեց «Մեր ծայրը հանում է Եվրոպայի» ստորագրահավաքին միացած ազգային փոքրամասնությունների ներկայացուցիչներին:

Իր ելույթում նախագահն անդրադարձավ Վրաստանում ապրող ազգային փոքրամասնությունների իրավունքների պաշտպանության կարեւորության, քաղաքական հարցերում նրանց ակտիվության, ինչպես նաեւ միասնականության թեմային: - Քաղաքացին ազգություն չու-

նի, ավելի շուտ՝ իր էթնիկ ծագմամբ, իր կրոնական համոզմունքներով, իր արմատներով է կատարյալ քաղաքացի, իսկ եվրոպական տիպի պետությունում բոլորը պետք է ունենան հաջողության հասնելու ու լիարժեք գոյատևելու հնարավորություն,-

(Շարունակությունը՝ 2-րդ էջում)

ՎՐԱՍՏԱՆ - ՀԱՅԱՍՏԱՆ

ՕՐԵՆՔԻ ԳԵՐԱԿԱՅՈՒԹՅԱՆ ԹԵՄԱՅՈՎ ՏԱՐԱԾԱՆԵՐԶԱՆԱՅԻՆ ՀԱՄԱԺՈՂՈՎ ԹԲԻԼԻՍԻՈՒՄ ՀԱՄԱԺՈՂՈՎԻ ՄԱՍՆԱԿԻՑՆԵՐԻ ԹՎՈՒՄ ԷՐ ՀԱՅԱՍՏԱՆԻ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԸ

Դեկտեմբերի 1-2-ը Թբիլիսիում անցկացվեց «Օրենքի գերակայության բարելավում եւ արդարադատության մատչելիություն» տարածաշրջանային համաժողովը, որի աշխատանքին մասնակցեց Հայաստանի մարդու իրավունքների պաշտպան Անահիտ Մանասյանը:

Վրաստանի եւ Հայաստանի օմբուսմեններ Լեւան Իոսելիանին եւ Անահիտ Մանասյանը մասնակցեցին Միավորված ազգերի կազմակերպության զարգացման ծրագրի (UNDP) վրաստանյան գրասենյակի կազմակերպած «Օրենքի գերակայության բարելավում եւ արդարադատության մատչելիություն» տարածաշրջանային համաժողովին, որն ընդունեց Թբիլիսիի հռչակագիրը: Այցի շրջանակներում, Հայաս-



տանի մարդու իրավունքների պաշտպանը հանդիպումներ ու-

(Շարունակությունը՝ 2-րդ էջում)

ՓԱՓԱԹԱԺՈՂՈՎ

ՎՐԱՍՏԱՆԻ ՎԱՐՉԱՊԵՏԸ ԵԼՈՒՅԹ ՈՒՆԵՅԱՎ ԴՈՒԲԱՅՈՒՄ ՄԱԿ-Ի ԿԼԻՄԱՅԻ ՓՈՓՈԽՈՒԹՅԱՆ 28-ՐԴ ՀԱՄԱԺՈՂՈՎԻՆ

(Սկիզբը՝ 1-ին էջում)

իրականացնելով էներգախնայողության նախագծերի և էկոլոգիապես մաքուր նախաձեռնություններ:

- Ուրախ եմ մասնակցելու ՄԱԿ-ի Կլիմայի փոփոխության 28-րդ համաժողովին Դուբայում՝ Միացյալ Արաբական Էմիրություններում, եւ ներկայացնելու Վրաստանի տեսլականը, թե ինչպես վարվել կլիմայի փոփոխության աճող եւ սուր գլոբալ ազդեցության հետ,- հայտարարեց Իրակլի Ղարիբաշվիլին եւ հավելեց, որ Վրաստանը հավատարիմ է կլիմայի փոփոխության նկատմամբ

դիմակայության ամրապնդման գաղափարին, այդ թվում՝ էկոլոգիապես մաքուր նախագծերի իրականացման միջոցով:

- Մենք առաջնահերթ ենք համարում կլիմայի փոփոխությանը հարմարվելու հարցը՝ վերականգնվող էներգիայի ռեսուրսների զարգացման, էներգախնայողության նախագծերի իրականացման եւ էկոլոգիապես մաքուր նախաձեռնությունների միջոցով Վրաստանը կշարունակի նպաստել գլոբալ ջանքերին,- նշեց Վրաստանի վարչապետը:

Իրակլի Ղարիբաշվիլին հույս հայտնեց, որ Կլիմայի փոփոխությունների

հարցով ՄԱԿ-ի 28-րդ համաժողովի շրջանակներում, Կիսցողվի հանգել այնպիսի որոշման, ինչը թույլ կտա կատարել գլխավոր պատվիրանը՝ ապագա սերունդների համար ապահովել ավելի պայծառ, առողջ եւ կանաչ ապագա:

Նշենք, որ ՄԱԿ-ի Կլիմայի փոփոխության 28-րդ համաժողովի բացմանը խոսքով ելույթ ունեցան նաեւ Արաբական Միացյալ Էմիրությունների նախագահ Շեյխ Մոհամեդ բին Ջայեդ Ալ-Նահյանը, ՄԱԿ-ի գլխավոր քարտուղար Անտոնիո Գուտերեսը եւ Մեծ Բրիտանիայի ու ՅուԼիսային Իռլանդիայի Միացյալ Թագավորության թագավոր Չարլզ III-ը:



ԻՄՐԱՅԵԼ - ՀԱՄԱՍ ՊԱՏԵՐԱԶՄԻ 65 ՕՐԿԱ ԸՆԹԱՑՔՈՒՄ ԵՐԿՈՒ ԿՈՂՄԵՐԻ ՁՈՅԵՐԻ ԹԿՎԸ ՀԱՄՆՈՒՄ Է 17 ՀԱԶԱՐԻ

Պոկտեմբերի 7-ին, հրեական բնակավայրերի վրա ծայրահեղական «Համաս»-ի կատարած անսպասելի հարձակումից հետո, Գազայի հատվածում Իսրայելի եւ «Համաս»-ի միջեւ սկսված պատերազմի ընթացքում երկու կողմից զոհվել է ավելի քան 17 հազար 448 մարդ: Պաղեստինցիների փոխանցմամբ, Գազայի հատվածում սպանվել է ավելի քան 16 248 մարդ, որոնց թվում՝ 7 112 երեխա: Իսրայելի զոհերի թիվը մոտ 1 200 է, երկու կողմից կան մեծ թվով վիրավորներ:

Գազայում ՄԱԿ-ի՝ Պաղեստինի փախստականների օգնության եւ աշխատանքի գործակալության (UNRWA) աշխատակիցների զոհերի թիվը հասել է 111-ի:

ԱՄՆ

ՍԵՆԱՏԸ ԱՐԳԵԼԱՓՎԵԼ Է ՈՒԿՐԱԻՆԱՅԻՆ ՕԳՆՈՒԹՅԱՆ ՕՐԻՆԱԳԻԾԸ

ԱՄՆ Սենատն արդեն երկրորդ անգամ արգելափակեց Ուկրաինային եւ Իսրայելին օգնության օրինագիծը:

Հանրապետական սենատորներն արգելափակեցին 110 միլիարդ դոլարի օգնության փաթեթը, որը ներառում էր 61 միլիարդ դոլար Ուկրաինային օգնելու համար:

Օրինագծին աջակցել է 51 սենատոր, մինչդեռ բոլոր 49 հանրապետական սենատորները դեմ էին: Իսրայելին ու Ուկրաինային օգնության փաթեթը հաստատելու համար անհրաժեշտ էր 60 սենատորի ձայն:

ՖՐԱՆՍԻԱ

ԶԻՆՎԱԾ ՀԱՐՉԱԿՈՒՄ ԷՅՖԵԼՅԱՆ ԱՇՏԱՐԱԿԻ ՄՈՏ

ՀԱՐՉԱԿՈՒՄԻ ՎՐՈՎԵՑՐԵԼ ԵՐ ՊԱՐԵՍՏԻՆՑԻ ՄԱՅՄԵՐԱԿԱՆՆԵՐԻ ԿՈՏՈՐԱԾԸ

Դեկտեմբերի 3-ին, Փարիզի կենտրոնում՝ Էյֆելյան աշտարակի մոտ, զինված անձը հարձակվել է զբոսաշրջիկների վրա: Նա սպանել է մեկ, վիրավորել՝ երկու մարդու: Ոստիկանության տվյալներով, մահացածը Գերմանիայի քաղաքացի է:

Կասկածյալը ոստիկանությանը հայտնել է, որ իրեն «անհանգստացրել են Պաղեստինում այդքան մահմեդականների մահը եւ վրդովել Գազայի հատվածում տեղի ունեցող իրադարձությունները»:

ԵՎՐԱՆՏԵԳՐՈՒՄ

ԵՎՐԱՆՈՐՅՐԴԻ ԱՆԴԱՄԱԿՑՈՒԹՅԱՆ ՃԱՆԱՊԱՐՀԻՆ ՎՐԱՍՏԱՆԻ ԱՌԱՋԸՆԹԱՑՆ ԱԿՆՀԱՅՑ Է

(Սկիզբը՝ 1-ին էջում)

ջընթացը հաստատվել է Եվրահանձնաժողովի կողմից, եւ այժմ Վրաստանը սպասում է թեկնածուի կարգավիճակ տալու վերաբերյալ Եվրոպական խորհրդի դրական որոշմանը:

Իր հերթին, Եվրոպայի խորհրդի նախագահը հայտարարեց, որ Վրաստանի հավատարմությունը Եվրամիության ճանապարհին դեռ ամուր է:

- Վրաստանի հավատարմությունը ԵՄ ճանապարհին դեռ ամուր է, եւ

ես եւս մեկ անգամ հաստատեցի երկրի վարչապետ Իրակլի Ղարիբաշվիլու՝ Եվրամիության հավատարմությունը Վրաստանին: Եվրամիությունը ողջունում է Վրաստանի շարունակական ջանքերը՝ բարեփոխումների օրակարգի եւ գործողությունների ծրագրի իրականացման գործընթացում առաջընթաց գրանցելու համար, որպեսզի անհրաժեշտ քայլեր ձեռնարկվեն՝ ելնելով վրաց ժողովրդի շահերից,- հայտարարեց Շառլ Միշելը:



ՎՐԱՍՏԱՆ - ՀԱՅԱՍՏԱՆ

ՕՐԵՆՔԻ ԳԵՐԱԿԱՅՈՒԹՅԱՆ ԹԵՄԱՅՈՎ ՏԱՐԱԾԱՇՐՋԱՆԱՅԻՆ ՀԱՄԱԺՈՂՈՎ ԹԲԻԼԻՍԻՈՒՄ

ՀԱՄԱԺՈՂՈՎԻ ՄԱՍՆԱԿԻՅՆԵՐԻ ԹՎՈՒՄ ԷՐ ՀԱՅԱՍՏԱՆԻ ՄԱՐԴՈՒ ԻՐԱՎՈՒՆԵՐՆԵՐԻ ՊԱՇՏՊԱՆՆԵՐ

(Սկիզբը՝ 1-ին էջում)

նեցավ իր վրաց գործընկեր Լեւան Իոսելիանու, Վրաստանի ժողովրդական պաշտպանին առընթեր կողմների եւ ազգային փոքրամասնությունների խորհուրդների անդամների հետ:

Երկու երկրների մարդու իրավունքների պաշտպանների համդիպմանը կողմերը քննարկեցին Վրաստանում եւ Հա-

յաստանում մարդու իրավունքների պաշտպանության վիճակը, խոսեցին երկու երկրների մարդու իրավունքների պաշտպան կառույցների միջեւ ապագա համագործակցության հիմնական մարտահրավերների, աշխատանքի առանձնահատկությունների ու խնդիրների մասին:

Անահիտ Մանասյանը հետաքրքրվեց Վրաստանի հայ քաղաքացիների իրավունքների պաշտպանության, նրանց ին-

տեգրման եւ ինքնակառավարման մակարդակով որոշումների կայացմանը ներգրավվելու հարցերով:

Վրաստանի ժողովրդական պաշտպանին կից կողմների եւ ազգային փոքրամասնությունների խորհուրդների անդամների հետ համդիպմանը խորհուրդների անդամները Անահիտ Մանասյանին ներկայացրին իրենց գործունեության ուղղությունները, նպատակներն ու խնդիրները:

ՀԱՆԴԻՊՈՒՄ

ՎՐԱՍՏԱՆԻ ՆԱԽԱԳԱԶԸ ՀՅՈՒՐԸՆԿԱԼԵՅ ԱՉԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՆԵՐԿԱՅԱՑՈՒՅԻՉՆԵՐԻՆ

(Սկիզբը՝ 1-ին էջում)

Իր խոսքում, Ջուրաբիշվիլին անդրադարձավ նաեւ 35 տարի առաջ այս օրը Հայաստանում տեղի ունեցած աղետալի երկրաշարժին եւ նշեց, որ Սպիտակում կատարված աղետի ցավը ոչ միայն հայերինն է:



նշեց Սալոմե Ջուրաբիշվիլին:

Արարողությանը հնչեցին ողջույնի խոսքեր, երգի եւ պարի միջոցով ներկայացվեցին Վրաստանում ապրող ազգային փոքրամասնությունների մշակույթը: Հայկական կողմից հնչեցին զուսան Շերամի եւ Սայաթ-Նովայի գործերից՝ դուդուկի մեղեդու ներքո:



Վրաստանի նախագահ Սալոմե Ջուրաբիշվիլին՝ Թբիլիսիի թիվ 104 դպրոցի արվեստի ուսուցչուհի Էմմա Դոլմազովայի հետ



Վրաց ժողովուրդը նույնպես ցավում է այդ կորստի համար:

Նշենք, որ ստորագրությունների արշավը մեկնարկել է նոյեմբերի 8-ին Վրաստանի նախագահի նախաձեռնությամբ եւ ներառում է կոչ Եվրամիության առաջնորդներին՝ Վրաստանին ԵՄ թեկնածուի կարգավիճակ տրամադրելու խնդրանքով:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՕՐԵՆՍԴՐԱԿԱՆ

ՄԻՆԶԵՎ 2011 ԹՎԱԿԱՆԻ ՀՈՒԼԻՍԻ 28-Ը ԹՈՂԱՐԿԱԾ ՈՉ ԷԼԵԿՏՐՈՆԱՅԻՆ ՆՈՒՅՆԱԿԱՆԱՑՄԱՆ ՔԱՐՏԵՐԸ ՉԵՂԱՐԿՎՈՒՄ ԵՆ

Դեկտեմբերի 4-ին Վրաստանի խորհրդարանի բյուրոն քննարկեց մինչեւ 2011 թվականի հուլիսի 28-ը թողարկված ոչ էլեկտրոնային նույնականացման խարտերի չեղարկման հարցը: Քննարկված փոփոխության համաձայն, 2024 թվականի հուլիսի 1-ից մինչեւ 2011 թվականի հուլիսի 28-ը տրված Վրաստանի քաղաքացիների ոչ էլեկտրոնային անձը հաստատող փաստաթղթերը կչեղարկվեն:

Փոփոխություններով համապատասխան անձի նույնականացման տվյալները կավելացվեն նշված նույնականացման քարտեր ունեցողներին տրված նոր ID քարտերին:

Օրինագծի նախաձեռնողները «Վրացական երազանք»-ի անդամներն են: Նրանց պարզաբանմամբ, նախագծի նպատակն է Վրաստանի քաղաքացիներին լրացուցիչ մոտիվացիա տալ՝ փոխարինելու նշված ոչ էլեկտրոնային նույնականացման քարտերը Վրաստանի քաղաքացիների էլեկտրոնային նույնականացման քարտերով, ինչը, նրանց գնահատմամբ, կօգնի պատշաճ կերպով անցկացնել հաջորդ ընտրությունները:



Նշված փոփոխությունների նախապատրաստումը որոշվել է ընդդիմության եւ մեծամասնության միջեւ խորհրդակցություններից հետո:

ԸՆԴՈՒՄՈՒԹՅՈՒՆ

ԼԲՈՒՄ ԵՆ «ՄԻԱՍՆԱԿԱՆ ԱԶԳԱՅԻՆ ՇԱՐԺՄԱՆ» ՇԱՐՔԵՐԸ

Ընդդիմադիր ամենախոշոր կուսակցությունը պառակտվում է: Կուսակցության ներկայիս նախագահ Լեւան Խաբեիշվիլու եւ նախկին նախագահ Նիկա Մելիայի միջեւ դիմակայությունը հանգեցնում է կուսակցության պառակտման:

Կուսակցության անդամների միջեւ տարածայնությունն առանձնակի սրվեց վերջին ժամանակներում, երբ Լեւան Խաբեիշվիլին որոշում ընդունեց Նիկա Մելիային կուսակցությունից վտարելու մասին: Որպես բողոքի նշան՝ Բաթումի քաղաքային սակրեբուլոյի, Ջուդգիդիի, Խոբիի, Ճիաթուրայի մունիցիպալիտետների սակրեբուլոների «Ազգային շարժումից»

շուրջ վեց տասնյակ պատգամավոր հայտարարել է կուսակցությունից դուրս գալու եւ սակրեբուլոներում առանձին խմբակցություններ ստեղծելու մասին:

«Միասնական ազգային շարժման» գործող նախագահ Լեւան Խաբեիշվիլու հրաժարականի պահանջ են ներկայացրել նաեւ Ախալքալաքի մունիցիպալիտետի սակրեբուլոյի «Ազգային շարժում»

խմբակցության անդամները:

Նրանց հայտարարությամբ, նոր դեկլարության եւ անձամբ Խաբեիշվիլու սխալ մոտեցումները հանգեցրել են կուսակցության անմախաղեպ թուլացմանն ու հավատարիմ համակիրներին շարժումից դուրս մղելուն:

Հայտարարությունը ստորագրել են «Միասնական ազգային շարժման» ութ անդամներ՝ Շիրվան Շիրինյանը, Արմեն Յունանյանը, Մելիք Ռայիսյանը, Անդրանիկ Մամուլյանը, Վարդան Չոքանդարյանը, Արթուր Սկոյանը, Արմեն Հակոբյանը, Միշա Հակոբյանը:

ՔՐԵՆԱԿԱՆ

ՄՊԱՆՈՒԹՅՈՒՆ` ԾԱԼԿԱՅԻ ԲԵԴԻԱՆԻ ԳՅՈՒՂՈՒՄ

Նոյեմբերի 30-ին Ծալկայի մունիցիպալիտետի Բեդիանի գյուղում տեղի ունեցած սպանության մեղադրանքով, դատախազությունը ձերբակալել է գյուղի բնակիչ, 47-ամյա Ոսկան Ոսկանյանին:

Ծալկայի մունիցիպալիտետի հոգեբուժարանի նախկին աշխատակից Ոսկան Ոսկանյանը մեղադրվում է համագյուղացի, հոգեբուժարանի փոխտնօրեն, 53-ամյա Էկա Գուլաշվիլու սպանության մեջ: ՆԳ նախարարությունը կատարած քննությամբ պարզել է, որ նոյեմբերի 29-ին Ծալկայի մունիցիպալիտետի Բեդիանի գյուղում մեղադրյալը, վրեժխնդրության դրդապատճառով, կացնով վնասվածքներ է հասցրել տուժողի գլխին եւ փախել դեպքի վայրից:

Ստացած վնասվածքների հետեւանքով, վիրավորվածը տեղում մահացել է: Ինչպես հայտարարել է մեղադրյալի փաստաբանը, Ոսկան Ոսկանյանն ինքն է եղել հարձակման օբյեկտ եւ ստիպված է եղել ինքն իրեն պաշտպանել:

Ոսկան Ոսկանյանին մեղադրանք է առաջադրվել Վրաստանի Քրեական օրենսգրքի 108-րդ հոդվածով (դիտավորյալ սպանություն), որը նախատեսում է ազատազրկում 10-15 տարի ժամկետով:

ՏԱՐԱԾԱՆԵՐԱՆ

ՏԵԴԵԿՏԱՎԱԿԱՆ ՀԱՆԴԻՊՈՒՄ ԿԱՆԱՅԻ ԴԵՄ ԲՈՆՈՒԹՅԱՆ 16-ՕՐՅԱ ՔԱՐՈՉԱՐԵԱԿԻ ՇՐՋԱՆԱԿՆԵՐՈՒՄ



Դեկտեմբերի 7-ին, Սամցխե-Ջավախեթի պետական համալսարանի Ախալքալաքի մասնաճյուղում, անցկացվեց տեղեկատվական հանդիպում՝ կանանց դեմ բռնության 16-օրյա քարոզարշավի շրջանակներում: Ուսանողների հետ հանդիպեցին Սամցխե-Ջավախեթի տարածաշրջանում պետական լիազոր Բեսիկ Ամիրանաշվիլին, Վրաստանի խորհրդարանի կանանց կազմակերպության ներկայացուցիչներ Նինո Կիլոսանիան եւ Գրետա Ծիծավան: Իր խոսքում, Բեսիկ Ամիրանաշվիլին անդրադարձավ քարոզարշավի նշանակությանը, ուշադրությունը բեռնեց այդ ուղղությամբ տարածաշրջանում առկա իրավիճակի վրա:

Հանդիպմանն ուսանողները կազմակերպեցին շնոր-

հանդես կանանց նկատմամբ բռնության թեմայով, իսկ Վրաստանի խորհրդարանի պատգամավորները խոսեցին կանանց նկատմամբ բռնության դեմ օրենսդրական կարգավորումների մասին:

Ախալքալաքի մասնաճյուղում կայացած հանդիպմանը ներկա էին Ախալքալաքի եւ Նինոծմինդայի մունիցիպալիտետների քաղաքապետեր Մելքոն Սակարյանն ու Անի Մոսոյանը, սակրեբուլոյի նախագահներ Նաիրի Իրիցյանն ու Վահան Արոյանը, տեղական ինքնակառավարման այլ ներկայացուցիչներ:

Կանանց նկատմամբ բռնության դեմ 16-օրյա քարոզարշավը անցկացվում է 1991 թվականի նոյեմբերի 23-ից դեկտեմբերի 10-ը ներառյալ, եւ դրանում ընդգրկված են աշխարհի 187 երկիր եւ շուրջ 5 հազար հասարակական կազմակերպություն:

ԱՄԱԼՔԱԼՔԻ. ԻՐԱԿԱՆԱՅԻՆ Ե ՄՐՉԱԿԱՌՈՒՅՆՆԵՐԻ 8 ՆԱԽԱԳԻԾ

2023 թվականին Ախալքալաքի մունիցիպալիտետում իրականացվել է սպորտային ենթակառույցների վերանորոգման-վերականգնման 8 նախագիծ:

Ախալքալաքի մունիցիպալիտետի քաղաքապետարանի տեղեկատվությամբ, վերականգնվել են Սուլդայի, Կուլիկամի, Կարծախի, Դաղեշի, Սուրջախեթի, Կոթելիայի եւ Վաչիանիի մարզադաշտերը: Վերանորոգվել են Արագվա եւ Օրջա գյուղերի մարզադահլիճները:

«Առողջ ապրելակերպի խթանումը եւ սպորտային ենթակառույցների ստեղծումն ու վերականգնումը Ախալքալաքի քաղաքապետարանի համար առաջնահերթությունն է», - նշված է քաղաքապետարանի հաղորդագրության մեջ:

ԱՄԱԼՅԻՄԵ. ԶԲՈՍԱՆԵՐԳՈՒԹՅԱՆ ԵՆԹԱԿԱՌՈՒՅՆ ԿԱՐԳԱՎՈՐՎԵՅ



Ախալցխեի մունիցիպալիտետում առավել գրավիչ եւ գեղեցիկ դարձավ զբոսաշրջության ու հանգստի վայրերից մեկը: Մասնավորապես, Ախալցխեի արիեստական լճի հարակից տարածքը տեղի նկարչական դպրոցի մանկավարժների եւ աշակերտների ուժերով գեղեցկացվեց տարբեր կոմպոզիցիաներով ու դեկորացիաներով:

Իրականացված աշխատանքի համար նկարչական դպրոցի մանկավարժներին ու սաներին իրենց երախտիքը հայտնեցին Ախալցխեի մունիցիպալիտետի քաղաքապետ Իրակլի Լազարաշվիլին, փոխտեղակալներ Իլիա Ջարդիաշվիլին, Վաթա Գաչեչիլաձեն եւ կրթության, մշակույթի ու սպորտի ծառայության ղեկավար Քեթևան Միշվելիձեն:

Պատրաստեց ԱՐԵՎԻԿԱ ՄԱՆՈՒԿՅԱՆԸ



ՎԵՐՍԿԱՎԵՑ «ՄԵՐ ԲԱՆԱԿԸ» ՆԱԽԱԳԻԾԸ

Վրաստանի պաշտպանության նախարարության կողմից կրթության եւ գիտության նախարարության հետ համատեղ իրականացվող «Մեր բանակը» նախագիծը թարմացվել է նոր ուսումնական տարվա մեկնարկի հետ մեկտեղ:

Այս տարի նախագծի ծավալները մեծացել են եւ 2023-2024 թվականներին այն կընդգրկի Վրաստանի 1024 պետական, 119 մասնավոր դպրոց եւ բարձրագույն ուսումնական հաստատություն:

Նախագծի շրջանակներում, զինծառայողները աշակերտների հետ զրուցել են Վրաստանի պաշտպանության ուժերի առաջնահերթությունների ու նպատակների մասին:

ՎՐԱՍՏԱՆԻ ԱԶԳԱՅԻՆ ԲԱՆԱԿԸ ԹՈՂԱՐԿՈՒՄ Է ՈՍԿՈՒ ԶՈՒԼԱԿՏՈՐՆԵՐ

Վրաստանի ազգային բանկն սկսել է ոսկու ծուլակտորների թողարկումը. ծուլակտոր կարելի է ձեռք բերել առևտրային բանկերից: Դեկտեմբերի 4-ից սկսվել է 20 գրամանոց եւ 1 կգ-անոց ծուլակտորների վաճառքը:

20 գրամանոց ծուլակտորն արժե 3 732 լարի, 1 գրամը միջինը՝ 187 լարի,

1 կգ ծուլակտորի արժեքը 186 հազար 612 լարի է, 1 գրամի միջին արժեքն այս դեպքում նույնն է:

Բոլոր մետաղադրամներն ունեն եզակի համար եւ արտադրվել են Մեծ Բրիտանիայի թագավորական դրամահատարանում:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (8 դեկտեմբերի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.6790
1 ԵՎՐՈ	2.8850
100 ՌՈՒԲԼԻ	2.8884
1000 ԴՐԱՄ	6.6687

ԵՐԹԵՎԵԿՈՒԹՅՈՒՆ

ՎՐԱՍՏԱՆ. ՆՈՐ ԱՎՏՈՃԱՆԱՊԱՐԶՆԵՐ, ՏՈՒԳԱՆՔՆԵՐ՝ ԱՌԱՆՅ ԶՄԵՌԱՅԻՆ ԱՆՎԱՊՈՂԵՐԻ ԵՎ ԿԱՅԱՆՄԱՆ ԿԱՆՈՆՆԵՐԻ ԽԱՄԽՏՄԱՆ ՀԱՄԱՐ

Վերջին մի քանի տարիների ընթացքում երկրի ողջ տարածքում ակտիվ աշխատանքներ են տարվել ավտոճանապարհների շինարարության-վերանորոգման, տրանսպորտային նոր թունելների անցկացման, ինչպես նաև բնակավայրերում տրանսպորտային միջոցների երթևեկության, կայանման գործընթացների կարգավորման ուղղությամբ:

41 073 ԿԻԼՈՄԵՏՐ՝ ԸՆԴՀԱՆՈՒՐ ՕԳՏԱԳՈՐԾՄԱՆ ՃԱՆԱՊԱՐՀ

Վրաստանի Ազգային վիճակագրական ծառայության տվյալներով, Վրաստանում հանրային ավտոճանապարհների երկարությունն ավելացել է եւ 2022 թվականին կազմել 41 073,3 կմ, ընդ որում՝ միջազգային ճանապարհների երկարությունը կազմում է 1 593,4, ներքին ճանապարհների երկարությունը՝ 5 460, 3, իսկ տեղական ճանապարհների երկարությունը՝ 34 019,6 կմ:

Ինչ վերաբերում է ըստ տարածաշրջանների հանրային ավտոճանապարհների երկարությանը, ապա Սամցխե-Ջավախեթի տարածաշրջանում այն հասնում է 2 830,2, Զվեմո Զարբլիում՝ 3510,7, Թբիլիսիում՝ 52 կմ:

Առաջին տեղում Իմերեթին է՝ 7 271,9 կմ, որին հաջորդում է Սամեգրելո-Ջեմո Սվանեթին՝ 6 932,5 կմ:

ԿԱՌՈՒՑՎՈՒՄ Ե ՎՐԱՍՏԱՆԻ ԱՄԵՆԱԵՐԿԱՐ՝ 1800 ՄԵՏՐԱՆՈՑ ԹՈՒՆԵԼԸ



Արեւելք-Արեւմուտք միջազգային մայրուղու (E60) մաս հանդիսացող Ռիկոթի ճանապարհի գործող թունելին զուգահեռ անցկացվել է նոր թունել:

Զուլմաթելեթի- Խելի հատվածի նոր թունելի երկարությունը 1 800 մետր է, եւ այսօրվա դրությամբ այն

երկրի ամենաերկար թունելն է:

Գլխավոր ճանապարհի 81 կմ-ում շարունակվում են շինարարական աշխատանքները:

Նշենք, որ Ռիկոթի ծրագրի շրջանակներում, նախատեսված է 51 թունել եւ 97 կամուրջ: այս պահի դրությամբ հատվել է 48 թունել եւ կառուցվել՝ 83 կամուրջ:

Արեւելք-Արեւմուտք մայրուղու շինարարությունն ընթանում է միջազգային ֆինանսական կառույցների՝ Եվրոպական ներդրումային բանկի (EIB), Համաշխարհային բանկի (WB) եւ Ասիական զարգացման բանկի (ADB) աջակցությամբ: Շինարարական աշխատանքների ընդհանուր արժեքը կազմում է մինչեւ 2,6 մլրդ լարի: Ծրագիրը նախատեսվում է ավարտել 2024 թվականին:

100 ԼԱՐԻԻ ՏՈՒԳԱՆՔ՝ ԱՌԱՆՑ ԶՄԵՌԱՅԻՆ ԱՆՎԱՊՈՂԵՐՈՎ ԵՐԹԵՎԵԿՆՈՒ ՀԱՄԱՐ

Տրանսպորտային միջոցների համար ձմեռային անվադողերով եւ անվաշրջաններով երթևեկությունը հավանաբար պարտադիր կդառնա: Այս առումով փոփոխություններ են նախատեսվում «ճանապարհային երթևեկության մասին» եւ «Վարչական իրավախախտումների մասին» օրենքներում: Փոփոխությունների հեղինակը ներքին գործերի նախարարությունն է:

Ըստ օրինագծի, սակայն, ձմեռային անվադողերի եւ անվաշրջանների կիրառումը պարտադիր կլինի միայն ճանապարհի առանձին հատվածներում, իսկ այդ հատված-

ների ու գոտիների ցանկը կորոշի կառավարությունը:

Նախագծի համաձայն, օրենսդրությամբ սահմանված ժամանակահատվածում (դեկտեմբերի 1-ից մարտի 1-ը) եւ որոշակի գոտիներով ու ճանապարհահատվածներով շարժվելիս՝ ձմեռային անվադողեր եւ անվաշրջաններ չունենալու դեպքում, վարորդները կտուգանվեն 100 լարիով եւ վարորդական վկայականին հատկացված 100 միավորից 5 միավոր կհանվի:

ԱՎԵԼԱՑԵԼ ԵՆ ԿԱՅԱՆՄԱՆ ՏՈՒԳԱՆՔԻՑ ՍՏԱՑՎՈՂ ԳՈՒՄԱՐՆԵՐԸ

2023 թվականի 10 ամսում (հունվար-հոկտեմբեր), 2022 թվականի նույն ժամանակահատվածի համեմատ, մայրաքաղաք Թբիլիսիում ավտոկայանատեղիների համար նախատեսված տուգանքների ծավալն աճել է 12 մլն լարիով կամ 368 տոկոսով:

2023 թվականի հունվար-հոկտեմբեր ամիսներին մայրաքաղաքում կայանման կանոնների խախտման համար կիրառված տուգանքներից բյուջե է մուտքագրվել 15 364 մլն, 2022 թվականի նույն ժամանակահատվածում՝ 3 282 մլն լարի:

Ավելացել է նաեւ ճանապարհային երթևեկության կանոնների խախտման համար բյուջեում ներառված գումարը: Ֆինանսների նախարարության տվյալներով, այս տարվա հունվար-հոկտեմբեր ամիսներին բյուջե է մուտքագրվել 179 250 մլն լարի, 2022-ի 10 ամիսներին՝ 147 111 մլն լարի:

Նշենք, որ 2022 թվականի աշնանից կայանման կանոնների խախտման համար տուգանքը 10 լարիից դարձել է 50 լարի, եւ ծավալների ավելացումը մասամբ պայմանավորված է այս փոփոխությամբ:

ՄԻՄՈՆ ԿԻԼԱԶԵ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՎՐԱՍՏԱՆԸ ԱՐՏԱՀԱՆՈՂ ԵՐԿԻՐ ՇԵՏ Ե ՌԻՍԿԵԼ 100 ՀԱԶԱՐ ՏՈՆՆԱ ԿԱՐՏՈՖԻԼ

2023 թվականի ընթացքում Վրաստան ներմուծվող կարտոֆիլի խոշոր չափի խմբաքանակ է հետ ուղարկվել. ընդհանուր քաշը գերազանցում է 100 հազար տոննան:

Վրաստանի եկամուտների ծառայության հրապարակած տվյալների համաձայն, 2023 թվականին ապրանքը հետ է վերադարձվել 5 անգամ, պատճառը բոլոր դեպքերում եղել է սննդամթերքի անվտանգության պահանջների խախտումը:

Նոյեմբերի 24-ին Լազոդեխից հետ է ուղարկվել Բելառուսից 21,5 տոննա կարտոֆիլով բեռնված ավտոմեքենան:

Հունվարին «Ղազբեգի» մաքսակետից երկու անգամ է կարտոֆիլ հետ ուղարկվել. առաջին անգամ 42 հազար 250 կգ, երկրորդ անգամ՝ 42 հազար կգ քաշով:

Փետրվարին «Ղազբեգի» մաքսակետից հետ է ուղարկվել եւս 20 հազար կգ կարտոֆիլ:

Մարտին «Ղազբեգի» մաքսակետից հետ է ուղարկվել եւս 129,1 տոննա կարտոֆիլ:

ՍԱՐԺՈՒՄ ԿԱՆԽՎԵԼ Է 146 000 ԼԱՐԻ ԱՐԺՈՂՈՒԹՅԱՐ ԶԱՅՏԱԳՐՎԱԾ ՈՍԿԵՂԵՆԻ ՆԵՐԿՐՄԱՆ ՓԱՍՏ

Վրաստանի ֆինանսների նախարարության եկամուտների ծառայության մաքսային դեպարտամենտի աշխատակիցները Սարկիի մաքսային անցակետում օտարերկրյա քաղաքացու ֆիզիկական, ինչպես նաև ուղեբեռի խուզարկության արդյունքում, հայտնաբերել են մեծ քանակությամբ չհայտագրված թանկարժեք քարերով ոսկե զարդեր, ընդհանուրը՝ 171 գրամ:

Չհայտագրված ապրանքի ընդհանուր մաքսային արժեքը կազմել է 146 հազար լարի: Հետագա արձագանքման նպատակով նյութերն առաքվել են ֆինանսների նախարարության հետաքննչական ծառայությանը:

ԵԿԱՄՈՒՏՆԵՐԻ ԾԱՌԱՅՈՒԹՅԱՆ ՆԵՐԿԱՅԱՑՈՒՑԻՉՆԵՐԸ ՄԱՍՆԱԿՑԵՑԻՆ OECD ԳԼՈՒԲԱԼ ՀԱՄԱԺՈՂՈՎԻ 16-ՐԴ ԼԻԱԳՈՒՄԱՐ ՀԱՆԴԻՊՄԱՆԸ

Վրաստանի ֆինանսների նախարարության եկամուտների ծառայության վերլուծաբանական դեպարտամենտի ղեկավար Ջադա Թաբազարին, ով միաժամանակ հարկային տեղեկատվության փոխանակման իրավասու անձն է, եւ միջազգային հարաբերությունների դեպարտամենտի միջազգային հարկային համագործակցության վարչության պետ Դավիթ Չիտաիշվիլին (2015 թվականից նա գնահատման փորձագետների խմբի անդամ է եւ գլոբալ համաժողովում Վրաստանի հետ կոնտակտային անձ) Լիսաբոնում մասնակցեցին տնտեսական համագործակցության ու զարգացման կազմակերպության (OECD) հարկային նպատակներով տեղեկատվության փոխանակման եւ թափանցիկության գլոբալ համաժողովի թվով 16-րդ լիագումար հանդիպմանը:

Հանդիպման անդամ երկրների ներկայացուցիչները քննարկեցին գլոբալ համաժողովի 15-ամյա գործունեության արդյունքները, նաեւ քննարկեցին հարկային համագործակցության ու թափանցիկության չափորոշիչները, որոնց միջոցով պետությունները պայքարում են հարկերի խուսափման մեթոդների դեմ եւ ավելացնում հարկային եկամուտները: Միաժամանակ, հանդիպմանը հաստատվեց գլոբալ համաժողովի գործունեության ծրագիրը, խոսեցին հարկային տեղեկատվության փոխանակման չափորոշիչների արդյունավետ կիրառման ուղիների եւ այլ նշանակալից հարցերի մասին:

Լիագումար հանդիպման շրջանակներում, Դավիթ Չիտաիշվիլին ելույթ ունեցավ եւ խոսեց Վրաստանում տեղեկատվության փոխանակման միջազգային չափորոշիչների, այդ թվում՝ ֆինանսական հաշիվների վերաբերյալ, տեղեկատվության ավտոմատ փոխանակման չափորոշիչի (AEOI) ներդրման գործընթացի, ինչպես նաեւ դրա իրականացման ընթացքում կատարած ակտիվությունների տեխնիկական աջակցության եւ չափորոշիչների ներդրման հետ կապված առաջիկա ծրագրերի մասին: Նա նաեւ մասնակցեց վերոնշյալ հարցերի շուրջ անցկացված լիագումար բանավեճին:

Հատկանշական է, որ տնտեսական համագործակցության ու զարգացման կազմակերպության (OECD) թափանցիկության եւ տեղեկատվության փոխանակման գլոբալ համաժողովը ներկայացնում է միջազգային չափորոշիչների ներկրման ամենաընդհանրական միջազգային հարթակը, որը միավորում է աշխարհի շուրջ 160 երկրների, որոնց թվում են G-20-ի, Եվրամիության եւ OECD-ի անդամ բոլոր երկրները: Վրաստանը 2011 թվականից այդ կազմակերպության անդամ է:

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՄԱՔՍԱՅԻՆ ԱՇԽԱՏԱԿԻՑՆԵՐԸ ՄԱՍՆԱԿՑԵՑԻՆ «ՎՐԱՍՏԱՆՈՒՄ ՄՈՆԻԵԱԼԻ ԱՐՁԱՆԱԳՐՈՒԹՅԱՆ ԻՐԱԿԱՆԱՑՄԱՆ ԾՐԱԳՐԻ» ՀԱՄԱՏԵՂ ՈՒՍՈՒՑՄԱՆԸ

ՄԱԿ-ի զարգացման ծրագրի (UNDP) եւ Վրաստանի բնապահպանության ու գյուղատնտեսության նախարարության համատեղ «Վրաստանում Մոնրեալի արձանագրության իրականացման գործողությունների ծրագրի» նախագծի շրջանակներում, եկամուտների ծառայության մաքսային աշխատակիցները մասնակցեցին օգոստոսյան շերտը ոչնչացնող նյութերի եւ դրանց ճանաչման հարցերին նվիրված համատեղ ուսուցմանը:

Դասընթացը նախատեսում է տեսալսել ու գործնական պարապմունքներ եւ ներառում այնպիսի նշանակալից թեմաներ, ինչպիսիք են Մոնրեալի արձանագրությամբ վերահսկվող նյութերի հետ կապված ազգային կարգավորումներն ու օրենսդրական բազան, նաեւ արձանագրությամբ վերահսկվող նյութերի ապօրինի ներկրում /արտահանում/ տարանցումը, դրանց ճանաչման սարքերի ամփոփագ օգտագործումը եւ այլն:

Դասընթացի ավարտից հետո, մասնակիցներին հանձնվեցին համապատասխան հավաստագրեր:

«Վրաստանում Մոնրեալի արձանագրության իրականացման գործողության ծրագիրը» իրականացվում է 2009 թվականից եւ նպատակն ունի մոնրեալի արձանագրությամբ ստանձնած պարտավորությունների, մասնավորապես՝ օգոստի շերտը քայքայող նյութերն օգտագործումից հանելու հարցին: